

MEMORIA DA ACTIVIDADE, IMPOSIBILIDADE DE CONCORRENCIA E ADQUISICIÓN DO ACTIVO INMATERIAL DO CONVENIO DE COLABORACIÓN ENTRE A VICEPRESIDENCIA PRIMEIRA E CONSELLERÍA DE PRESIDENCIA, XUSTIZA E DEPORTES E A FEDERACIÓN DE ASOCIACIÓNS DE PERSOAS XORDAS DE GALICIA (FAXPG)

O Decreto 79/2023, de 22 de xuño, por el que se fixa a estrutura orgánica das vicepresidencias e das consellerías da Xunta de Galicia en relación co Decreto 117/ 2022, de 23 de decembro, polo que se establecen as funcións da Vicepresidencia primeira e Consellería de Presidencia, Xustiza e Deportes, atribúe a este departamento, entre outras, as competencias en materia de relacións institucionais e parlamentarias sendo unha das liñas prioritarias desta Vicepresidencia primeira o fomento daquelas actividades que, promovidas por entidades sen ánimo de lucro, presten apoio e promovan integración social dos colectivos con discapacidade en orde a promover as condicións necesarias para que a liberdade e a igualdade das persoas sexan reais e efectivas.

Neste contexto, a Vicepresidencia primeira e Consellería de Presidencia, Xustiza e Deportes quere fomentar a accesibilidade das persoas xordas e xordo cegas, en relación coas actividades institucionais dirixidas á poboación xeral ou a colectivos específicos de todas as áreas da Administración da Xunta de Galicia, e ten interese en que todos os actos institucionais cheguen en condicións de igualdade aos colectivos máis desfavorecidos.

A Federación de Asociacións de Persoas Xordas (FAXPG) é unha entidade sen ánimo de lucro, constituída en 1979, inscrita no Rexistro de Asociacións co número 107 e no Rexistro Único de Entidades Prestadoras de Servizos Sociais da Xunta de Galicia co número E-204, que ten como misión xerar as condicións, que tomando como base a identidade xorda e a súa diversidade, aseguren o desenvolvemento global das persoas xordas en Galicia en condicións de accesibilidade universal e igualdade de oportunidades.

A FAXPG ven participando nos últimos anos en actos institucionais da Xunta de Galicia cuns custos elevados para a Federación en concepto de servizos e xornadas para os que foi precisa a intervención de intérprete, incluídos os gastos de desprazamento. Polo tanto a Vicepresidencia primeira e Consellería de Presidencia, Xustiza e Deportes está interesada na colaboración conxunta coa FAXPG e comprométese a aportar a cantidade de 2.500,00 € con cargo á aplicación orzamentaria **2024.05.05.121C.640.0 (código de proxecto: 2015 00120)**, como contribución á participación deste colectivo nos actos institucionais da Xunta de Galicia durante o ano 2024.



Á FAXPG non lle son de aplicación os principios de publicidade e concorrência pública, xa que o obxecto deste convenio é colaborar conxuntamente coa FAXPG, como entidade máis representativa do colectivo de persoas xordas e xordo cegas de Galicia, no fomento da súa accesibilidade en relación coas actividades institucionais da Xunta de Galicia, garantindo que cheguen en condicións de igualdade aos colectivos máis desfavorecidos (artigo 19.4.c da Lei 9/2007, do 13 de xuño, de subvencións de Galicia).

Por todo o exposto, considérase xustificada a utilización do instrumento do convenio para articular as actuacións de referencia non podendo acudir á contratación pública, de conformidade **co artigo 6.1 da Ley 9/2017, de 8 de novembro, de Contratos do Sector Público A Administración Autónoma**, coa sinatura do presente convenio adquire un activo inmaterial, como é a promoción dos actos institucionais e a colaboración coa accesibilidade das persoas discapacitadas.

Santiago de Compostela,

A directora xeral de Relacións Institucionais e Parlamentarias

Blanca García-Señoráns Álvarez

(sinatura dixital)

